

Na osnovu člana 185. Zakona o tržištu vrijednosnih papira ("Službene novine Federacije BiH" broj 85/08, 109/12 i 86/15), člana 62. Zakona o preuzimanju dioničkih društava ("Službene novine Federacije BiH, broj: 77/15), člana 17. Pravilnika o postupanju kod preuzimanja dioničkih društava ("Službene novine Federacije BiH, broj: 101/15 i 29/17), člana 27. Pravila Registra ("Službene novine Federacije BiH, broj: 94/15), i člana 45. tačka 16. Statuta Registra vrijednosnih papira u Federaciji BiH ("Službene novine Federacije BiH, br: 26/09 i 44/11), Nadzorni odbor Registra vrijednosnih papira u Federaciji Bosne i Hercegovine na 45. sjednici održanoj 18.05.2017. godine, dopunjeno na 46. sjednici od 09.06.2017. godine i na 48. sjednici od 01.08.2017. godine, na prijedlog Uprave Registra, donio je:

UPUTSTVO
o izmjenama i dopunama
Uputstva o postupku kod preuzimanja dioničkih društava

Član 1.

U Uputstvu o postupku kod preuzimanja dioničkih društava kod Registra vrijednosnih papira u Federaciji BiH (u daljem tekstu: Registar) član 2. mijenja se i glasi:

„Postupak kod preuzimanja dioničkih društava Registar obavlja u skladu sa Zakonom o preuzimanju dioničkih društava (u daljem tekstu: Zakon), Pravilnikom o postupanju kod preuzimanja dioničkih društava, Pravilima Registra i ovim Uputstvom.“

Član 2.

U članu 4. stav 2. iza tačke 6. dodaju se nove tačke 7., 8. i 9. koje glase:

- „Ugovor ovjeren kod nadležnog organa kojim se uređuju međusobni odnosi ukoliko zajedničkim djelovanjem dva ili više lica suvlasnički stiču dionice.
- Ukoliko ugovorom iz tačke 7. ovog stava nije navedeno, potrebno je dostaviti i izjavu ovjerenu od strane nadležnog organa kojom se osobe koje suvlasnički stiču dionice odriču decimalnog ostatka od cijelog broja dionica u korist jedne osobe kada zajedničkim djelovanjem dva ili više lica suvlasnički stiču dionice.
- Potvrdu o broju računa iz banke koji glasi na ponudioca, na koji će Registar izvršiti eventualni povrat novčanih sredstava.“

Član 3.

U članu 5. stav 1. iza riječi „kojem“ dodaje se riječ „je“.

Član 4.

U članu 7. stav 1. mijenja se i glasi:

„Prije zaključenja ugovora o obavljanju poslova kod preuzimanja dioničkih društava, ponudilac je obavezan osigurati novčana sredstva na ime naknade za preuzimanje svih dionica koje su predmet ponude za preuzimanje.“

U stavu 2. istog člana brišu se riječi: „te troškova koji proizilaze iz ponude za preuzimanje“.

Član 5.

Član 9. mijenja se i glasi:

„Najkasnije narednog dana od prijema rješenja Komisije za vrijednosne papire Federacije BiH, ponudilac dostavlja Registru:

- rješenje Komisije za vrijednosne papire Federacije BiH kojim se odobrava objavljivanje ponude za preuzimanje ciljnog društva,
- kompletnu ponudu u skladu sa članom 27. stav 3. Zakona

Najkasnije narednog dana od dana objava ponude za preuzimanje iz člana 27. stav 1. Zakona, ponudilac podnosi Registru nalog za otvaranje ponude za preuzimanje ciljnog društva (NP1) uz koji obavezno dostavlja i kopije objava u dnevnim novinama ponude za preuzimanje.

Nalog za otvaranje ponude za preuzimanje ciljnog društva obavezno sadrži podatke o ponudiocu, ciljnom društvu i o ponudi.

Obrazac naloga (NP1) je utvrđen u prilogu 1. koji čini sastavni dio ovog Uputstva.“

Član 6.

U članu 15. stav 1. na kraju rečenice umjesto tačke stavlja se zarez te dodaju riječi “ Kao i potvrdu ovjerenu od strane banke iz BiH iz koje se vidi broj transakcijskog računa vlasnika, osim izuzetka iz člana 30. ovog Uputstva.“

Član 7.

U članu 25. stav 1. mijenja se i glasi: „Ako je naknada za preuzimanje dionica koje su predmet ponude osigurana na prvi poziv plativom bankarskom garancijom na ime Registra, a u korist dioničara, ponudilac je dužan uplatiti potreban iznos sredstava na poseban račun Registra najkasnije dva radna dana nakon isteka roka trajanja ponude uz obavezan poziv na broj ponude za preuzimanje.“

Član 8.

U članu 28. stav 1. riječ „donošenja“ se mijenja riječi „prijema“.

Član 9.

U članu 30. umjesto tačke na kraju rečenice stavlja se zarez te dodaju riječi:

„ ili izuzetno na račun punomoćnika-advokata koji su zakonom ovlašteni da primaju novčana sredstva svojih klijenata, te vrše prijenos istih u skladu sa zakonom i drugim propisima kojima se reguliše devizno poslovanje i prenos novčanih sredstava.“

Član 10.

U članu 36. stav 1. tačka 4. brišu se riječi: „kao i izjavu ili potvrdu o najvišoj cijeni po kojoj su stekli dionice u prethodnih godinu dana saglasno članu 22. stav 3. alineja a) Zakona“, dok se tačka 6. mijenja i glasi: „ da dostavi od strane nadležnog organa ovjerenu pisanu izjavu kao dokaz da je obavijestio manjinske dioničare sa liste dioničara u skladu sa članom 16a. Pravilnika o postupanju kod preuzimanja dioničkih društava (“Službene novine Federacije BiH, broj: 101/15 i 29/17).“

Član 11.

Ovo Uputstvo stupa na snagu danom izdavanja saglasnosti Komisije za vrijednosne papire Federacije Bosne i Hercegovine.

Uputstvo se objavljuje na web stranici Registra : www.rvp.ba .

Broj: 01-3-NO- 48- 8410 /17
Sarajevo, 01.08.2017. godine

Predsjednik
Nadzornog odbora

Alem Laličić

